

## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum,  
quàm recentiorum placitis complectentia. Opus methodo novâ, & clarâ in  
tres digestum Partes ... accuratè, ac copiosè instructae

De Vacatione, Amissione, Et Extinctione Beneficiarvm ...

**Leuren, Peter**

**Coloniæ Agrippinæ, 1704**

649. An, & qualiter extinguitur pensio per promotionem ad Papatum.

---

[urn:nbn:de:hbz:466:1-74494](#)

suspensio; cum supervenientis militiae impeditat extinctionem, quam matrimonium causare debet, sicut si post assumptionem militiam matrimonium contraheretur, citat pro hac sententia sua Garciam.

*Quaestio 648. An per ingressum in Religionem, vel per Professionem religiosam extinguatur pensio?*

1. Respondeo. Per professionem religiosam extinguitur pensio clericalis, quam quis ante illam habebat super beneficio seculari. Ventrigl. to. 2. annot. 21. § 3. n. 22. Card. de Luc. de pens. d. 44. n. 2. Tond. qq. benef. p. 3. c. 196. n. 9. Castr. de benef. d. 1. p. 11. § 10. n. 8. Garc. p. 1. c. 5. n. 114. (qui duo postremi id quoque extundunt ad professionem tacitam) contra Rebuff. de Pacif. poss. n. 157. dum is voluisse viderur, quod pensio durante vita Regularis debeat monasterio pro alimento religiosi, quod Tond. loc. cit. n. 12. ait, intelligendum de pensione temporali data in stipendium pro aliquo ministerio, aut servitio Ecclesiae praefito, aut praefando, cuius servitii capax sit religiosus. De cetero

2. Ampliatur responsio primò; ut procedat etiam quod ad professionem factam in Ordine religioso militari. Tond. loc. c. n. 15. Castr. loc. cit. loquentes expressè de religioso Ordinis S. Joannis Hierosolymitani. Ventrigl. loc. cit. Corrad. pr. benef. l. 6. c. 1. n. 29. ponens formam dispensationis, quæ agent tales milites religiosi. contra Sanch. in decalog. l. 7. c. 29. n. 103. apud eund. Tond. De militibus vero regularibus non propriè religiosis, quia contrahere possunt matrimonium, dictum satis *quaest. preced.*

3. Limitatur è contra responsio primò; ut non procedat de religiosis societatis Jesu, hi enim sicut bona alia retinere possunt post emissa absoluto novitiatu vota simplicia (per quæ efficiuntur non minus verè religiosi, quam Professi) ita etiam pensiones ecclesiasticas præhabitas. Ventrigl. loc. cit. n. 23. Castr. loc. c. hisce expressis, recte adverterit Sanch. in decalog. l. 7. c. 29. n. 10 per vota bienniū facta à religioso societatis Jesu non vacare pensiones, sed ea possidere posse, interim dū professionē, vel vota coadjutorum formatorum emittunt. Et sic expressè habetur in Epitome Instituti Societatis. p. 1. c. 6. f. 5. § 3. tempus, quo permititur bonorum possesso, est quadriennium, in cuius prorogatione nulli, praterquam Generali dispensare licet; pensiones tamen Ecclesiastica similiaque generum horum, quæ verè personalia sunt, & super nostrorum personis constituantur, quibus absolute, & in solidum abdicare se nostros non expedit, Patris nostri iudicio distribuenda erunt, ita ut nulla talium administratio apud illos maneat &c. Desumpta sunt hac verbo tenues ex Decreto 17. Congregat. general. 7. § 4. unde jam aliter hanc in parte loquendum de pensionibus religiosorum Societatis Jesu, quām de eorundem beneficiis, & non inferendum à beneficiis ad pensiones (uti perperam facit Tond. loc. cit. n. 22. dicens, id probari à Sanch. in decalog. loc. cit. n. 101. nimurum, quod, sicut recinere nequeunt beneficia, ita nec pensiones, ut & è contra Ventrigl. dicens, posse illos retinere beneficia, & pensiones) siquidem circa beneficia ecclesiastica, quæ nostri ante ingressum in Societatem habent, statuitur decreto 5. Congregat. general. 5. ut finito probationis biennio, priuquam vota simplicia scholasticorum emittant, ea omnino resiguerent, non obstante Canone 1. Congregat. 1.

4. Limitatur secundò; responsio, ut non extinguitur pensio, si ex tenore literarum constaret, tam fuisse mentem Papæ, ut pensio non obstante professione deberetur. Tond. loc. cit. n. 13. qui etiam n. 14. subiungit ex Corrad. pr. dispens. Apost. l. 6. c. 1. n. 37. quod Papa in talibus dispensationibus, quæ conceduntur religiosis profesis, concedere soleat pensiones sub titulo administrationis, & sub protestare sui Superioris. Item addit n. 16. ex eod. Corrad. loc. cit. n. 38. quod, si religiosus dispensatus ad beneficium seculari illud dein resignet cum reservatione pensionis, non egeat novâ dispensatione ad obtinendam pensionem; cum ea pensio subrogetur loco beneficij resignati, licet dicat Corrad. Officiale Romanæ curiæ tenere, quod egeat novâ dispensatione.

*Quaestio 649. An, & qualiter extinguitur pensio per promotionem ad Papatum?*

Respondeo negativè, seu per assumptionem pensionarii ad Papatum non extingui pensionem ab eo habiram. Lott. l. 1. q. 41. n. 1. Ventrigl. to. 2. annot. 11. § 3. n. 36. Corrad. pr. benef. l. 5. c. 4. n. 15. contra Gabriel. conf. 200. n. 2. l. 2. Hojedum de compat. p. 1. c. 1. n. 12. quibus inherent Garc. p. 1. c. 5. n. 113. Paris. l. 2. q. 1. n. 9. (qui etiam dicit, hanc suam opinionem esse communem) Gratian. disp. for. c. 269. à n. 13. & alios passim, quorum sententiam non esse in praxi receptam aferit Corrad. loc. cit. Responsionem probat Lott. evertendo bina fundamenta, quibus nititur Gabrieli: nimurum quod sicut per assumptionem ad Episcopatum exspirat pensio; & quod cessante causa reservata pensionis, quæ est sustentatio pensionarii, cesset pensio. Ad primum enim dicit Lott. loc. cit. n. 7. quod de jure communis non extinguitur pensio per assumptionem ad Episcopatum, de quo paulò post; & ut ait n. 10. dato hoc, non procederet adhuc illatio ad assumptionem ad Papatum, cum nequeat esse lex ultima scripta Dei Vicario; & licet Princeps profiteatur, si velle vivere secundum leges. *Id digna vox. c. de ll.* id tamen ad rem non facit; cum hic queratur, an extinguitur pensio ipso jure ex facto promotionis ad Papatum, quod necessariò supponit coactio nem ex parte legis; si enim accedat voluntas ipsius Papæ habentis pensionem suam pro extinta, resultabit quidem extincio ex voluntate ipsius; at non ex ministerio legis cum cogentis, pro quo citat D. Tho. l. 2. q. 96. a 5. ad 3. Felin. in c. 1. n. 25. de confit. Ad secundum ait n. 1. juncto n. 11. id factum esse, quod cessante causa illa extrinsecè rei res jam constituta in esse pereat, & quod cessante dicta causa finali alimentationis, tum demum cesset reservatio pensionis, si dicta causa cesset, seu non sit tempore ipsius concessionis gratia pensionis, ita ut exinde causetur error in concedente, & mentis seu voluntatis defectus. Confirmat eandem responsionem Lott. n. 14. ipso facto summorum Pontificum juris prudentissimorum, qui pensiones vel exegerunt per totum Pontificatum, vel eas in personas sibi bene vias transtulerunt, quod non fecissent, si vel suspiciati essent, id aliquo modo contra ius, aut rationem esse, quod satis fuit indicasse suis successoribus, dum Principes non imponunt leges suis successoribus, sed exempla, juxta cit. *Id digna vox. & ibi gl. v. indicamus.*

*Quaestio*